




Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.



Пренумерата в краю:

50 грошей місячно,
2.50 зл. полрочно,
5 зл. рочно.

В Америці: 1 дол. полрочно,
2 дол. рочно.

В Чехословакии:
3 кор. місячно, 15 кор. полрочно,
30 кор. рочно.

Контото чекове Нр. 404.155.

СТРАШНА ЖЕЛІЗНО-ДОРОЖНА КАТАСТРОФА ПОД КРАКОВОМ

на жел.-дор. станции Кржешовицы коло Кракова.

Дня 1. жолтня т. р. скорый поїзд, курсуючий на штречи Відень-Букарест, наїхал на поїзд, ідучий с Гдыні до Кракова. Последства того столкновения поїздов были страшны. Льюкомотыва вбила ся в два последни возы и розбила их на кусны. С пед розбитых вагонов начали добывати ся крикы и йойкы жертв, привлєных поламаным желізом.

В першом возі, котрый розбил ся на фалаткы, вшиткы люды отнесли тяжкы раны, або нашли смерть на місцѣ. Число убитых выносит 12. тяжко ранєных 7, с лєкшима ранами 41.

На місце катастрофы приїхали власти полицийны и судобы, котры приступили до слїдєтва. Арестовано управителя руху Гавриила Неця и олужащого Драбика.

Поїзд убил фурмана и два коні.

Дня 2. падолиста м. р. мала місце под Седлисками коло Бабовы катастрофа. Через жел.-дор тар переїзджал возом с яринами селянин, Станислав Корженьовский. В том чаєі надїхал поїзд от стороны Тарнова и ударил в воз с таком силом, што убил коні, а Корженьовского отшмарил гет далеко. Падаючи Корженьовский розбил собі череп головы и умер.

Переведєне слїдство выказало, што Корженьовский достал ся на тар тому, бо рампа не была опущєна.

В виду того потягнує до отвїтственности жел.-дор. служащого Дуралку. Дуралка стапул перед окружным судом в Новом Санчї, обжалованый с ненарочне споводованє смерти. Он оправдал ся тым, што рампу спустил и поднес ю лєм втотчас, коли услышал крикы, бо думал, што замкнул дакого медже рамами. Суд оправдал его.

Яку погоду будеме мати в жолтні.

По мокром літї мамє тепер барз ладны дні. Помимо позdney поры ест теплійше, як было в липні. Ци однак долго ище будеме выгрівати ся на сонци? Метеорологична стация подає, што аж до 10. буде все ище тепло и остудит ся доперва в другой декаді (10-тох днях), але и в том часї можна сподївати ся ище 2—3 днєй теплых. В третой декаді начнут ся осанни слоты, часом со снїгом, а ночи будут уж морозны. Зиму предвїщуют снїжну и остру. Ворожбу тоту операют на том, што боцаны и ластивкы отлетїли в том року скорше, як звычайно, што рекины наплынули уж тепер с Атлянтыйского Океана до теплійшого Серєдземного Моря и што в Серєдземном Моря вода остудила ся в последствї великого количества зимной воды, яка наплынула из полночи. Тоты явленя заобсервовано в 1894 и 1928 р. и тому то предназуют в том року зиму барз остру, таку, яка была в літах высше наведєных.

Обниженє цїны нафты.

Дня 28. преш. місяца обнижено консумцыйный податок от нафты с 10 зл. 50 гр. на 8 зл. от 100 кг.

Отвїтно тому обниженю цїна нафты угаде о дальших 4 0/0. Таким способом цїны нафты в skleпах маот быти обнижены в отношеню до цїн с перед 10. верєснєя т. р. о 24 до 25 0/0 т. зн. о 1/4 часть.

Нова тарыфа почтова.

От дня 1. жолтня обрвѣяє нова почтова тарыфа. По той тарыфї значок на открыткы місцевы коштує 10 гр. замїсцевы—15 гр. образцы товаров до 100 гр.—15 гр. Листы поручєны краєвы—30 гр., заграничны—45, экспрєє краєвы—50 гр., заграничный—1 зл. Обнижено также тарыфу при переказах грошевых, пакунках, ишкабах векслей, телефоничных розмовах и телеграмах.

Министерство Почт и Телеграфов, стремячи до поширєня радиєфонии, обнижило оплату от радио, а имено вмїсто дотеперешной

оплаты по 3 вл. місячно впривадило цїну 1 зл для вшиткых радиєвых апаратов, заинстальєванных на сєлі.

Рузвельт старат ся поменьшати число безработных.

Прєзидєнт Америкы, Рузвельт выголосил бесїду, в котрой высказал ся, што буде стремїти вшиткыма силами до помєньшеня числа безработных в Америкѣ. До того доходит ся таким способом, што діти не робят в фабрыках и што час роботы скорєченє. Введєно также минимальны платы за роботу и через тото затруденє 4 милионы безработных.

Рузвельт заповїл, што в жолтні намірат перавєєти ряд конференци с представителями капитала и труда в цїлі заповнєня собі их сотрудничтва в стремленю до помєньшеня числа безработных. На тых конференциях сподїват ся Рузвельт заключити догєворы, котры погодивше послужат за основанє при устанєлю платы и гєдин роботы. Рузвельт заявил, што николи не згєдит ся на тото, штобы в Америкѣ находила ся стало армия безработных.

Комунальна Каоа Ошадности в Крыници

принимат вклады и платит высокый

процент. Уділят также позичек на

добрых услєвях!

Д-р Георгий Смоленский
професор Ягайлонского
Университета в Кракові.

Кураційно-отдыхово-турыстич- на квестия на Лемковщині.

Движене кураційно-отдыхово-турыстичне має велике значення господарче і культуральне і обнимат тепер барз важну галузь общественного господарства. С приїздаючими турыстами, літниками і хворыма, котры глядают здоровя в купелевых заведенях приходит также до того терену капитал, котрый меньше, або больше равномірно расплыват ся по цілом терені і заселят ріжны области господарчого житя. Капитал тот росте в міру розвита движена і доходит нераз до барз поважных сум. В самом воеводстві краковском, а властиво в гористой части (регионі) того воеводства тот капитал обчислят ся на 60—80 миллионов рочно. Для самой державы не має того великого значеня, бо тот капитал ест лем перешмаренем гроша с одной части в другу, ест равномірном его розложением, ест жерелом укріплюющим други области господарчого житя, але для даного терену ест добродійством, бо приплывом гроша.

Лемковщина має всякы полны вальоры природны для сконцентрованя (сосредоточеня) того движена. До повітов, в границах котрых лежит Лемковщина, приїзжат тепер около 60 тысяч сезонных (на якийси час) турыстов, а с того числа припадат на ново-сандецкий повіт 46 тысяч, а на други повіты лем 14 тысяч. Крім того переходячих турыстов ест рочно до 30 тысяч. Дає то разом около 18 миллионов злотых в року. С той сумы припадат на Крыницу $\frac{2}{6}$, на решту ново-сандецкого повіта $\frac{3}{6}$ а лем $\frac{1}{6}$ часть на остальных 5 повітов. Поза регионем Попрадским (Крыницьким) движене тото ест нерозвинене, початкуюче, належит отже заняты ся ним, организовагы его, бо оно може отограти важну роль. Через тото подносит ся движене на желізных дорогах (в липні 10 раз большій, як в желтні) оживлят ся движене автобусове, селянин заребят перевозением турыстов. Росте также торговля, оживлят ся промысел домашній, (артыстичный), движене будовляне, газда находит покупателя на свои продукты, и вынаймаючи комнаты достає гроши. Росте возможность затруднения безработных, оживлят ся и вскріпляют господарче жите, чого доказом сут выплаты на книжки П.К.О. (Почтова Каса Ощадности), котры в сезоні в Крыници сут 4 разы большы, як нормально в Кракові. Грош расходит ся, курсує, росквашаєт ся равномірно в зависимости от потребности.

Движене тото має также важне значення культуральне. Місцеве населене сходит ся и жие с населением с міст о высшой культурі, ветре ставлят свои требованя. Газда мусит удержати дом чисто, старати ся его украсити, засадити дерева и цвітны, устранить е фронта гнояницу, купити лампу и т. д., на ште без того движена треба бы было ище дояго ждати на селі.

Через таке сожите подносит ся также культура умственна, растут житевы потребности. Газда видячи книжки и газеты у турыстов, сам купує собі книжку, або газету и образує ся. Через тото подносит ся рольництво, газда має приплыв гроша, а окелицы о розвитом садоводстві и яриноводстві (сандецкє), котры

лежат поза регионем горским, мают легкий збыт своих продуктов. Можна бы навести ище много приміров користного вліяня движена турыстичного на терены, где оно концентрує ся. Ест то звычайно терен гористый о барз ладных видах, але не ест користный для рольной господаркы, тому то населене ест бідне.

Штобы устранить тоту нужду і біду с того терену, треба начати плянову и интенсивну роботу. Работа то долга, мусит быти розложена на літа, реализовати ю треба етапами в міру возможности и средств, однак плян такой скоординированой работы мусит быти уж тепер.

Розважаючи квестии звязаны с тым движением треба их поділити на три части: кураційны, лігно-отдыховы и турыстичны.

Движене кураційне.

Движене тото ест звязане с місцевостями, в котрых находят ся минеральны жерела. Має их на терені Лемковщины и в ей близкості 1) в сандецком: Крыницу, Жегестов, Мушину, Пивничну, Ломницу, 2) в западной закутині Лемковщины: Щавницу, 3) в горлицком: Высову и Вапенне, 4) в Короснянском: Ивонич, 5) в Сяночком: Рыманов, разом 10 місцевостей, котры розвивают ся добре. Крім тых ест на лемковском терені ище 51 знаных жерел минеральных, котры можут дати основане розвита цілого ряда новых купелевых заведений. Приміром того може быти Мушина и Пивнична, котры до недавна были лем отдыховыма селами. Тоты жерела сут великим природным богатством, до того часу совсім невыкористаным. Тому то треба конечно переводити досліды в терені, запровадити комплетный спис жерел минеральных на Лемковщині (дуже ест ище незнаных никому) переводити анализу минеральных вод, закалифировати их до експлоатации, уняти их фахово и таким способом зробиити их доступными для загалу. При водах о высокой вартости лічебной треба жерела поглубити и стреміти до сотвореня килькох новых кураційных заведений. Ест то работа тяжка и велика, але пожиточна.

Существуючы кураційны заведеня мают дуже недостатков, особенно прикрий ест недостаток регуляційных плянов, котры сотворюючи рациональны рамы для розбудовы, кладут таму хаотычней, безстыльовой и часом бессмысленной розбудові. Относит ся тото на жаль праві до вшиткых наших заведений, а особенно ест важне для кураційных заведений, положеных в долині Попрада. Ту треба усилия комисий климатычных и громад подержати як найсильнійше. Барз важном справом ест также справа заосмотреня кураційного заведеня в воду, дальше канализация и електрификация заведений. В малых заведенях треба зрезьгновати с водопроводной и канализацийной сіти, котры коштуют дуже и амортизуют ся поволи и перешмарити тягар инвестыции на индивидуальны, або сполковы студні и локальны водопроводы. Так само мают быти переведены урядженя гигиеничны и т. п. Сут крім того ище инши урядженя техничны, котры мают рішаюче значеня для розвитка заведений и тоты треба конечно подпоровати.

Вшиткы заграничны кураційны заведеня користають с помочи державы, не може быти иначе и в Польщі, держава мусит прити заведеням с помочом, мусит быти открытый для заведений кредит и мусит ся употребляти часть Фонда Труда на инвестыційны работы в заведенях.

Прикрий недостатком наших заведений ест злый доступ до них и фатальны дороги. Тот стан мусит переімити ся и треба конечно начати реализовати дорогову господарку. Наконец повинен быти введеный новый закон для кураційных заведений, котрый регулювал бы основны діла кураційных місцевостей (нпр. концессионоване жерел). Треба также с горы назначити місцевости, в котрых в будучности будут санатории.—

Продолжене буде в слідуячом числі.

Як робити, штобы куры не гынули в осени.

Перед зимом куры, гусы, качкы и други домашны птахы переживають период піреня, в котром то часі часто хворіют и гынут. Особенно часто выступат в том часі у птахов заразливый катар и дыфтерия.

Штобы устеречи ся перед стратами, выкликаныма піренем треба найперше уважати на тото, штобы поміщене для птахов было сухе и затишне. Тому треба до курника стелити грубо порізану солому, когру належит змінити каждого дня. До воды додавати хиносоль, або хинолину в пропорции 1 таблетки на 10 л. воды (купує ся в аптыці).

Если в курнику спостережеме заразливый катар, треба курам смаровати ноздря глицерыном змішаном пол на пол с десят процентным росчином пиоктанины, а в самом курнику роспыляти терпентыну, або росчин хиносоля (4 таблетки на 1 литр воды).

Тоты самы средства употреблят ся при появленю дыфтерии с том отміном, што курам треба каждого дня педзельовати поднебіне коло языка (ест оно біляве) мішанином глицерыны с пиоктанином. До воды додавати на переімену сірчан желіза (синий камень) в количестві 3 гр. на 1 л. воды, або хинолину $\frac{1}{12}$ таблетки на 10 л. воды.

В часі холеры куры держати закриты, дылины зляти вапном, гной усувати, зливати навожены місца вапном и змінити часто солону. Добре ест стелити грубо торфом (высушеном боровином). До воды давати хинолину як при дыфтерии. Курник держати в идеальной чистоті и часто вітрити.

Як кормити свині.

Свиня с натуры ест лакома и тому давану поживу гылат скоро и не грызе ей належито, тому то пашу тверду, як зерно або макухы треба для свиней подробити. Дробити треба и паши сочны, як зеленину и буракы, котры січе ся, а также и варены, або парены, як картофлі, хоц тоты пөелідны с инших причин. Паши мяккы свиня потрафит сама погрызти, ходит однак о тото, штобы через роздроблене паша дала ліпше вымішати ся с другыма пашами и штобы предохранити перед росшмарянем паши под ноги. При том не можна забывати о том, же с посіканой паши зеленой выдобыват ся сок, котрый начят скоро ферментовати и заквашати пашу, што може выкликати в жолудку свинь забуреня. Штобы до того не допустити, треба зеленой паши приготівляти лем тилько, килько выстарчит на одно ідло.

Варенє паш може мати на цілі поправу смаку, або устранене и унешкодливене туючих складників паш, але не причинят ся до скоршого травлення, а скорше перешкаджат єму. С той причини вариме для свиней лем картоплі. Варенє бураков пашных и карпелей єст непотребне, бо при вареню устраняє с них часть цукру, котрый єст головным складником кормовым тых рoстин. Таксамо николи не вариме паш сытных, як зерно, макухы и другы.

Запаряне употребляме при січці и полові. Запаряне змягчат пашу, улегчує жуґе и забиват шкодливы грибки, якы находят ся на полові. Крім того, при полові с рoстин стручковых через варенє паша набераєт приємного запаха, котрый вырабляєт апетыт у свиней.

Шайка етеровцов перед судом.

От пару літ населене Лемковщины затрувало ся етером, (кропком) котрый куповало по містах, місточках и селах от жидков. Тот незаконный и строго забороненый гандель том отруйом был так рoсширений, што в місті на каждом углу улицы прямо напихали незнакомы гандляры хлопну „кропку“. Хлоп куповал и платил солено, часто во фляшці нашол потом воду а не кропку, а если уж и купил „кропку“ то часто хлоп ставал перед судом за незаконне купно и посідане „кропки“.

И не десятки, але сотки справ карных было протягом послідных шестох літ против селян, у котрых найдено кропку, и ни в одном случаю не мог суд ани полиция державна дойти до властивого жерела, то значит до тых гыен, котры хлопам „кропку“ продавали, бо переважно хлоп не мог указати на того, у кого купил, бо го не знал, а даколи трафляло ся и так, же не хотіл здралити такого незаконного посередника, а властиво купца.

Доперва в послідных двох літах, начинаючи от 1932. року, почала полиция ликвидовати шайку гандляров етеровых, многих из них поарестовала и всадила до слідчого ареста, много соток литров „кропки“ в бочках и во фляшках поконфісковала им, а тепер постепенно по переведеном слідстві шайку тых етеровцов стаєт перед судом, штобы отвітати за свою тяжку провину.

Оказує ся, што гандель тот отбывал ся таким образом:

Етер етильовый, або у нас звану „кропку“ вырабляють фабрыкы хемичны, а переважно фабрыка в Ченстохові лем для цілей промисловых, бо етеру того употреблят ся переважно до фабрыкаци и других хемикалий, а даколи в аптыках для цілей лічебных, взглядно дезинфекциных, приміром знечулення при операции и т. д. Оборот тым етером, яко средством для здоровья шкодливым єст под строгим контролем властей скарбовых и уж само передержоване етеру хоґды и в найменьшой сколькости без отвітного позволения єст каране.

Понеже Чехословакия етер такой из своих фабрык обкладат великим податком, тому етер тот в Чехословакии дорогой и оплатит ся от нас етер тот шмуґльовати до Чехословакии. Позволене на такой вывоз етеру до Чехословакии в тых літах достал Оскар Голендер, купец в Горлицах.

Купец тот однак місто етеру вывозил до Чехословакии, або дашто друге, або из фабрыкы в Ченстохові доставал етеру много больше, як должен был и мал право вывести до Чехословакии, бо тот Голендер цілыма бочками продавал етер горлицким, переважно молодым жидкам, котры подіили ся на компании по килькох и етер куплений в бочках от Голендера переливали до фляшок, а потом розвозили по селах, або через подставленых факторов продавали нашим лемкам в місті.

Перша шайка тых етеристов впала в руки полиции осенью 1932. року и то смішным способом. Именно килькох жидов завело собі таку розливарню етеру в шопі одного господара на Стружовці и там етер розливали вечерами с бочок до фляшок. Одного вечера Стефан Г. из Мощеницы и Войтіх К. из Мшаньки подемотрили, як до Стружовки приїхало тягарове авто с погашеныма ліхтарнями и як из авта того выладовано килька бочок и заточено их до шопы, а при вшитком том были якысы жидкы, котры тихо перешептовали ся.

Г... и К... здогадали ся, што ходит о етер (кропку) и другой ноци приїхали своим возом и цілый запас етеру из шопы той выкрали и перевезли до Мощеницы и там добре сховали. Одновременно начали собі глядати купца на тоту кропку. Долго не глядали, бо в Пантной нашли К..., которому продали 40. литров кропки, а одновременно сказали ему, што на жадаєне могут ему достарити ище веце. За якыйи час достали они писмо от К..., в котром тот жадал зас 100. литров кропки. Наладовали Г... и К... 100. литров кропки и везут до Пантны. По дорозі в Сенкові в ноци коло цвентара нападат на них гурма жидов, котры старають ся задержати воз, але Г... и К... затыли коней и поїхали до Пантны. К... в ноци дома не застали, а за хвилию влетіла на двор К... банда жидов, котра начала метати каменями, а Г... и К..., видячи перемогу, угекли остав-

ляючи коня с возом и 100. литров кропки. Сейчас змірковали они, што то и што К... мусіи быти с жыдами в Пантнові. За пару дней явил ся у Г... оден из шайкы етеристов и начал зго намавляти, штобы выдал рещту етеру, а тогды жиды выдатуєт ему коня с возом и 400. злотых. Г... и К... дали ся остаточено до того наклонити и етер жидам привезли на означене місце, але жиды етер взяли грошей приреченых Г... и К... не дали, а в додатку их ище набили. К... и Г... из злости, дали о всем знати полиции, а тота поарестовала вшиткых жидов, котры до шайкы належали в числі 12.


Другу шайку вже меньшу вылапала, полиция в Горлицах в маю 1933. року находячи на місци злочину пару бугель етеру, много фляшок, шляхы, коркы и всі ишти приряды до розливаня и печатаня етеру.

Дня 28. вересня 1934. перед трыбуналом суду окружного в Яслі отбыла ся в Горлицах росправа карна против цілой шайкы етеристов, а на лаві обжалованых засіли: Арон Шпербар, Шая Биндер, Герш Биндер, Хаим Бальсам, Берль Перльман, Аба Винер, Герш Биндер, Якуб Кон, Хаим Вымишнер-Сруль Когане, Бенямин Биндер, Лейба Верник, а с ними и К..., Г... и К...,—при чом тоты два послідни крім незаконного посіданя етеру мали отповісти и за злочин кр дежи

Росправа тырвала цілый день, а вырок запал о годині 9. вечером. Всі обжалованы zostали укараны карами вязницы от половинны року до трох літ. Лем К..., Г... и К... дал суд завішене выконаня кары на протяг пятох літ—всі прочи будут мусіли отсідити.

Уж само слідство и зликвидоване тых компаний етеровых мало тот наслідок, што кропка прямо счезла из обороту и уж не курсовала по селах.

Належит ся надіяти, што строгий и справедливый вырок отстрашит ишних от того, штобы гандльовати кропком.



Сын: Няню—ци вам піти помочи? Няню:—Ніт, не треба—дам сой раду сам—лем уважай, жебы дакотра собака през воду не прешла!

Ціны волны.


На послідном торзі волны в Познаню ціны волны хвіяли ся от 2 зл. 20 гр. до 2 зл. 95 гр. за кг. Як с того видно ріжняца єст велика, бо выносит 75 гр.

Чом то така ріжняца и от чого оза зависит? А но, напевно высшу ціну достали тоты, котры мали ліпшу волну. А ліпшу волну мали не лем длятого, же ховали уцы высших га-

тунков, але также и про того, же раціонально кормили наши домашни уцы.

Знаєєт єст, же уцы, котры достають до поживы соль, мають волну тоньшу, мяжку и густейшу. За жменьку соли, даной каждого дня до корму уцам, достаєт гавда больше и ліпше платной волны.

Не треба отже жаловати уцам соли!



Візи для емігрантів до Канади.

Візи до Канади, котрі достали от своєї родини, зване, так зв. «пермит» мають зголосити ся до найближчого Сындыката Еміграційного в Галичині. Пермити канадський Сындыкат виставлять з дати виставлення його в Канаду.

Отділення Еміграційного Сындыката в Варшаві ул. короля Альберта 7. Пермити канадський Сындыкат виставлять з дати виставлення його в Канаду. Візди тих родин наступит на яр 1935 р. Ближшій інформації в ділі візди осадників до Канади уділяють безплатно відділення Еміграційного Сындыката на провінції и централі в Варшаві ул. короля Альберта 7.

Новый герой совітскій.

Совітскій летчик Громов, котрий побил світовий рекорд лета, перелетівши 12.411 км. без опущання ся на землю в продолженю 75 годин, был отличеный орденом Левина и титулом «Героя Совітского Союза» Громов служил в авиации от 16 літ и має за собом не оден добрий лет н. яр. лет Москва—Пекин и 2 леты окружны европейскы.

Податок на бездітны женщины

В Югославии с заинтересованем обсуждают в'ість о том, же проект Д-ра Селича, штобы оподатковати женщины, котры не хотят мати дітей, был принятый через медычний конгрес в Глед. Проект тот мають предложити в найближшом часі парламентарю югославянскому.

Кооперативный рух на Лемковщині.

Кооперативны собрания.

КРЫНИЦА СЕЛО. Дня 9. вересня отбыло ся Загальне Собрание Кооп. «Прогрес», на котром затверджено биланс за 1933 рок, переведено новы выборы Управы и Н. Рады и обнижено уділы о половиною и рішено знести поруку, а то в цілі большого скооперования села и притягнення новых членов.

За 6 місяцов существованя «Прогреса»—централі и 3 місяцов філіального склепа (ч. 2. в Богуші—билансова надвыжжа выказала понад 600 зл., котру розділено: 10% на кооперативны курсы при Р. С. Р. К. 5% на дивиденду от уділов, а решту на резервний фонд кооператива.

Треба зазначити, што склепы были ведены порядно и честно и што контролю переводило ся каждого місяца и квартално и устранило ся всякы улущения.

ПОВОРОЗНИК. Дня 9. вересня отбыло ся в Поворознику в дому чит. им. Качк, кооперативне собрание в ділі основаня кооператива. Предсідательствовал предсідатель Лемко-Союза Д-р Орест П. Гнатышак, секретарем был г-н О. Яновицкий. В долшой промові Д-р Гнатышак звернул ся до собраних со словом, в котром поясняючи значеня кооперации для села, завывал вшиткых приступити до основаня кооператива.

Реферат о кооперации и успіхах тойже в Галицкой Руси, там, где така веде ся честно и порядно и где ест постоянна контроля выголосил кооператор г-н О. Яновицкий, заохочуючи также и селян Поворозника в часі кризиса взяти ся до кооперации и трудити ся не покладаючи рух, бо лем в єдности и солидарности можеме побороти біду.

В дискуссии забрала голос молоды кооператоры—Лемкы: г-н Юлиан Галькович с Богуши, М. Тихий с Лавовы, П. Гейняк с Крыницы и другы, котры представили селянам користи и добро кооперации для бідного народа.

В результаті начало ся масове вписоване в члены, котры собрали 48 уділов и рішили основати у себе філіальний склеп «Прогрес» в власном домі читальняном.

АНДРЕЄВКА. Дня 23. вересня отбылося в Андреевці коопер. собрание подготовлене через г-на Антония Станчака.

Долшой реферат о кооперации выголосил г. О. Яновицкий с Крыницы, заохочуючи людей приступати масово в кооперативу организацию, бо лем в той найде селянство добробыт и заспокоит свои потребности.

В выязавшой ся дискуссии забрала голос г-н Станчак и собрание, котры рішили одногласно основати як найскорше у себе філіальний склеп кооператива «Прогрес». Подписано 65 уділов. Собрание просило г-на Станчака заняти ся збором уділов и организациою кооператива.

В селі существует чит. им. Качк. и Общество «Запорожец» ведены г-ном Станчаком. Дае ся отчувати брак власного дому.

БОГУША. Дня 30 вересня отбыло ся в Богуші коопер. собрание, на котром с рани Лемко-Союза и «Прогреса» выступал кн. Яновицкий, котрый в долшой рефераті представил собраним достыжения и результаты філіального склепа ч. 2. коопер. «Прогрес», а также историю кооперативного движения в других культурных державах и успіхы кооперативного руху в Галичині и призвал присутных вписовати ся масово до кооператива и куповати в своих склепах. Упомянул также о том, што н. яр т. р. склеп спровадил для села 1 вагон жужлей, котры розпродал о 2 зл. на мішку дешевше як у жидов. Присутны высказали желане, штобы Лемко-Союз и «Прогрес» заняли ся чим скорше организациою молочарні в Богуші, бо недостаток гроша дае ся отчувати в селі.

В дискуссии забрала голос: О. Иванович, парох с Королевы Руской, Ю. Галькович и многы селяне, в результаті чого вписало ся и уплатило уділы ище 32 люда.

КОРОЛЕВА РУСКА. Дня 30. вересня отбыло ся кооперативне собрание котре открыл місцевый парох О. Л. Иванович, котрый разом со женом принимат діятельную часть в народном житю села. В кооперативі веде книговодство. Биланс склепа, котрый отворено лем 1. липня т. р. выказал чистого дохода 213 зл.

Кооператор г-н Яновицкий выголосил реферат о користях кооперации. В дискуссии забрала голос: О. А. Иванович, Ю. Галькович, неутомимый молодой кооператор и пионер в Ново Сандеччині и многы присутны, котры сходили ся в одном, што лем в єдности, солидарности и поддержке своего склепа могут найти поправу доли и спасеня.

В селі ест также чит. им. Качковского, в котрой принимат живу часть, жена пароха г-жа Иванович, не жалючи труда и часу на организоване хора и аматорского кружка.

Як Богуша так и Королева выказали полне сознание и выроблене в экономично-просветительной роботі и естят на переді культурных сел Ново Сандеччины. На собрание присутны высказовали ся за организациою закупа через кооперативу зерна и штучных навозов вагонно и за открытием молочарні в их селах в цілі поднесения добробыту. Основане молочарні поручено Лемко-Союзу и кооперативу «Прогрес».

Нехай же и другы села Лемковщины берут собі добрый примір с Богуши и Королевы и разом со своими сознательными людьми берут ся до организации своего добробыта через закладане кооперативов, бо лем єдностью, упорством и солидарностью приведут свое село до липшого будущего.

Руский кооператор
О. Яновицкий.

Дівчата и вдовы—то для вас!

Мушчина темноволосий (шатый) літ 23

мае охоту оженити ся и глядат товаришкы житя в віку до 21 літ с приданным около 400 долларов, або маетком отповідной вартости.

Оферты с фотографием пропу присылати под адресом редакции «Лемка»

Крыница под «Счастлива молодеж».

Найліпше и найдешевше

може кождый фурман заосмотрити ся в потребный для себе товар як овец, сіно, еічку смарк, подковы клинці в евоей русской «Фурманской Кооперативі», котра находит ся в Крыниці Здрою в домі г. Назара Громосяна коло рівні.

Найліпши условия асекураційны

дае

Асек. Товариство
ВИТА-КРАКОВСКЕ
во Львові.

Оно спомагат также наши товариства.

Информации уділят редакция «Лемка».